

Osmi mart treba da bude svaki dan



Visoki predstavnik Valentin Inzko uputio je čestitke svim ženama u Bosni i Hercegovini povodom 8. marta, Međunarodnog dana žena. On je iskoristio ovu priliku da uputi zahvalnost i iskaže divljenje prema ženama koje su dominantne na prvoj liniji globalne borbe protiv pandemije Covida-19.

„Vi koje ste angažirane kao zdravstvene radnice i njegovateljice imate ključnu ulogu u borbi protiv pandemije u Bosni i Hercegovini. Svi mi trebamo prepoznati vašu ulogu i doprinos i to cijeniti“, izjavio je visoki predstavnik Inzko.
„Ali i ulogu svake druge žene, danas i svaki dan!“

Visoki predstavnik je još jednom naglasio kako se snažno zalaže za veću uključenost žena u svakodnevne političke i socio-ekonomske aspekte života u Bosni i Hercegovini i striktno poštivanje Zakona o ravnopravnosti spolova u BiH, koji propisuje minimalno 40% zastupljenosti žena u okviru širokog spektra javnih dužnosti. Nažalost, ovaj propis o zastupljenosti od 40% se uglavnom ignorira ili ne poštuje. Stoga je potrebno na izborima 2022. godine načinuti još jedan pokušaj da se u potpunosti ispoštuje navedeni zakon.

Visoki predstavnik također poziva sve da se ulože još veći napor na sprečavanju nasilja nad ženama provođenjem politike nulte tolerancije, kao i da se za žene unaprijedi pristup zdravstvenoj zaštiti i obrazovanju kako bi ih one sebi mogle priuštiti.